

Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Poenitentia Et Reliqvis Sacramentis

Vindalium, 1646

Sect. IV. An satisfactio facta in peccato sufficiat, & de eius vi.

urn:nbn:de:hbz:466:1-38867

SECTIO IV.

*An satisfactio facta in peccato sufficiat,
& de eius vi.*

CONCLVSIΟ. I.

Satisfactio facta in peccato mortali;
sufficit ad integratatem sacramenti, &
& etiam probabiliter ad illius effectum.
ex opere operato.) Prior pars probatur
1. quia ex communione Doctorum consensu,
confessarius potest exigere interdum à
penitente, ut penitentiam implete, an-
tequam ei absolutionem impetrat: in modo
ex probabili sententia, potest confessas-
sius approbare satisfactionem, à peni-
tente sponte exhibitam, antequam confi-
zeretur. In quibus casibus satisfactio va-
let ad integratatem sacramenti; & tamen
non supponit gratiam in subiecto, cùm
præcedat absolutionem, cuius beneficio
infunditur gratia.

Probatur 2. nam satisfactio facta,
iuxta præceptum à confessario imposi-
tum, sufficit ad integratatem sacramenti:

,

DE POENITENTIA. CAP. V. 79

Nihil enim aliud meritò, ad valorem satisfactionis, exigi potest. Atqui confessarius non iubet, ut pœnitens impositam pœnitentiam exequatur, in statu gratiæ, sed tantum ut faciat opus iniunctum, quantum ad substantiam; ad cùm modum quo Ecclesia ieiunium indicens, non præcipit ut ieiunes in statu gratiæ, sed simpliciter ut ieiunium serues: quia substantia tantum operis, & non illius modus cadit sub præcepto, ut aiunt, & latius dicitur in Idea Theologiae Moralis. Ergo satisfactio sufficit ad integratatem sacramenti, et si impleta non sit in statu gratiæ.

Posterior pars suadetur: nam pœnitens qui implet pœnitentiam in statu peccati mortalis, non peccat, siue contra præceptum confessarij, siue contra reuerentiam sacramento debitam, ut est communis sententia. Ergo signū est, eiusmodi pœnitentiam non carere effectu suo; quia si eo careret, pœnitentiam in eo statu implens peccaret, eò quod poneret obicem effectui sacramenti. Et hoc maximè virgeri potest, aduersus eos qui docent, satisfactionem sacramentalem producere gratiam sanctificantem, ex opere operato.

Deinde satisfactio à confessario impo-

D 4

sita , non est opus hominis , sed Christi ,
quod ex se viuum est , & effectum con-
fert non ponenti obicem:at qui peccatum
mortale , etsi sit obex gratiæ , non tamen
est obex remissionis pœnæ:nulla enim ra-
tio afferri potest , cur ille qui versatur in
peccato lethali , non possit soluere pœ-
nam debitam pro peccato , quod alias re-
missionem est quoad culpam; etsi pro pecca-
to quo nunc afficitur , pœnæ æternæ , quæ
à priori distincta est , sit obnoxius; ad eum
modum quo potest soluere centum ,
qui aliunde debet mille.

Dices , nos suprà docuisse , inter con-
ditiones ad satisfactionem necessarias ,
requiri statum gratiæ , non ergo ea quæ
fit in peccato mortali , prodesse potest ad
solutionem pœnæ. Respondeo nos ibi e-
gisse de satisfactione , quæ fit extra sacra-
mentum ; iam verò de ea disputare , quæ
imponitur in sacramento. Licet autem ad
priorem requiratur status gratiæ , non se-
quitur quòd ad posteriorem necessarius
fit , propter rationem allatam; quia scili-
cet illa est opus hominis , hæc verò opus
Christi , quatenus per eam illius satisfa-
ctiones nobis applicantur.

CONCLVSIONE II. Satisfactione
sacramento habet vim remittendi ex
opere operatore , pœnas temporales pecca-

DE POENITENTIA. CAP. V. 81

tis remissis debitas, non autem producen-
di gratiam sanctificantem.) Prima pars
probatur, quia certum est eiusmodi satis-
factionem habere vim, producendi ali-
quem effectum ex opere operato, alias
non haberet maiorem efficaciam quam
satisfactio, quae sit extra sacramentum,
quod dici non potest; cum sit pars sa-
cramenti, ac proinde sacramentalem si-
gnificationem habeat, & quod inde sit, ef-
fectum quem significat producere de-
beat, iuxta regulam assignatam, ubi de
sacramentis in genere. Quod si habet ef-
fectum aliquem ex opere operato, nullus
ei commodius assignari potest, quam re-
missio poenæ temporalis, eam enim ma-
xime significat, cum sit punitio peccati,
& quedam commutatio poenæ debitæ,
in eam qua ex præcepto confessarij af-
sumitur.

Secunda pars ostenditur, quia duo sunt
in peccato, reatus culpæ, & poenæ; prior
perfectè tollitur per absolutionem sa-
cramentalem, ergo satisfactio quæ sub-
sequitur, non habet nisi vim remittendi
poenam. Sequela patet: nam potentia illa
est superflua, quæ tribuitur ad effectum,
qui perfectè ab alia causa producitur, &
productus supponitur.

Præterea sacramentum Pœnitentiae


D 5

per se institutum est , ad conferendam primam gratiam , non autem ad conferendam secundam , nisi per accidens , quatenus homo qui ad illud accedit , gratia sanctificante præditus est . At si satisfactio confert gratiam , confert per se secundam ; quia supponit primam gratiam in absolutione collatam , & dum postea impletur , necessariò secundam producit : quia non potuit concurrere ad productionem primæ , cum nondum existeret . Dicendum ergo erit , sacramentum Pœnitentiæ per se duplice in gratiam producere ; primam quidem per partes essentiales , secundam verò per partem sui integrantem , quæ est satisfactio actualis .

Dices , satisfactio sacramentalis non est tantum in vindictam præcedentium peccatorum , sed etiam in curationem & medicinam ; ad quem effectum maximè necessaria est gratia . Respondeo , ad hoc posse sufficere gratias actuales , quas non opus est conferri dum impletur satisfactio ; sed quando aliqua necessitas ingruit , idque vi sacramenti præteriti . Vnde constat satisfactionem sacramentalem , non modo non producere gratiam habitualem , sed neque etiam auxilia actualia .

Hæc porro intellige de actuali satisfactione : nam quod spectat ad proposi-

DE POENITENTIA. CAP. VI. 83
rum illud satisfaciendi, quod alias diximus pertinere ad essentiam huius sacramenti, non dubito quia illud, ut sic ad dictos effectus suo modo concurrat.



CAPUT VI.

De Ministro Sacramenti Poenitentiae.

SECTIO I.

De ijs qua in Ministero requiruntur ordine, iurisdictione approbatione, scientia.

CONCLUSIO I.

NVllus potest validè conferre hoc sacramentum, nisi sit Sacerdos, habeatque iurisdictionem in foro interno.) Prior pars est de fide definita in variis Conciliis, ac speciatim in Trident. sess. 14. can 10. Potestque sufficienter probari ex verbis illis Ioan. 20. Accipite Spiritum sanctum, quorum remiseritis peccata, &c. ea enim intelliguntur de potestate remittendi peccata in Sacramento Poenitentiae, idque non tantum quoad

D 6